

UGOVOR O JAVNOJ NABAVCI ROBE

Zaključen dana 28.08.2017. godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Kupac**), koga zastupa Direktor Preduzeća **mr.sci. Nermin Demirović, dipl.ing.šum.**

i
“DRR AUTO” Društvo sa ograničenom odgovornošću Kiseljak, sa sjedištem u Kiseljaku, ul. Kralja Tomislava broj 56, registrovano kod Općinskog suda u Travniku, Aktuelni izvod iz sudskog registra, broj: 051-0-RegZ-17-000665 od 24.05.2017. godine; identifikacioni broj: 4236536560007; PDV broj: 236536560007 (u daljem tekstu: **Prodavac**) koga zastupa **Direktor Grubešić Dragan**.

(u daljem tekstu : **Ugovorne strane**)

Član 1.

Predmet ovog Ugovora je javna nabavka roba za potrebe Kupca u 2017. godini, i to:

Terensko vozilo za realizaciju projekta "Podizanje malinjaka"

prema Obrascu za cijenu ponude - Terensko vozilo za realizaciju projekta "Podizanje Malinjaka" koji je sastavni dio Ponude Prodavca protokolisane kod Kupca pod brojem: 0103-778-4/17 od 15.06.2017. godine, koji su prilog ovog Ugovora i njegov sastavni dio.

Ukupna vrijednost robe iz prethodnog stava iznosi **29.600,00 KM**, bez uključenog iznosa pripadajućih indirektnih poreza, odnosno PDV-a, koji plaća Kupac.

Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku roba, broj: 0103-778/17 za Terensko vozilo za realizaciju projekta "Podizanje malinjaka", broj: 0103-778-7/17 od 15.06.2017.godine, Zapisnika o pregledu i ocjeni ponuda, broj: 0103-778-8/17 od 16.06.2017. godine, Izvještaja Komisije Kupca, broj: 0308-2059-1/17 od 09.08.2017. godine, o uvidu u tehničke karakteristike i ispravnost terenskog vozila za realizaciju Projekta "Podizanje malinjaka" i pravosnažne Odluke o izboru najpovoljnijeg ponuđača, broj: 0103-778-9/17 od 10.08.2017. godine.

Član 3.

Prodavac se obavezuje da za potrebe Kupca izvrši isporuku robe navedene u članu 1. ovog Ugovora, najkasnije u roku od 15 (petnaest) dana od dana dostavljanja zahtjeva za nabavku, fcco Centralni magacin Kupca u Hadžićima, a u svemu prema Ponudi Prodavca protokolisanoj kod Kupca pod brojem: 0103-778-4/17 od 15.06.2017.godine.

Član 4.

Prodavac se obavezuje da će prije isporuke robe navedene u članu 1. ovog Ugovora izvršiti tehnički pregled iste i otkloni sve eventualne utvrđene nedostatke o svom trošku prije isporuke robe navedene u članu 1. ovog Ugovora, a u skladu sa Izjavom koju je dao u Ponudi protokolisanoj kod Kupca pod brojem: 0103-778-4/17 od 15.06.2017. godine

Član 5.

U slučaju kašnjenja u isporuci roba, do kojeg je došlo krivicom Prodavca, isti se obavezuje da će Kupcu platiti ugovornu kaznu u skladu sa Zakonom o obligacionim odnosima u iznosu od 2 % (vrijednosti ugovorenih roba) za svaki dan kašnjenja do uredne isporuke, s tim da ukupan iznos ugovorne kazne ne može prijeći 10% od ukupne ugovorene vrijednosti robe koja je predmet narudžbe. Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od strane Kupca.

Član 6.

Ugovorne strane su saglasne da je jedinična cijena i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza odnosno PDV-a i da su iste nepromjenjive u skladu

sa Izjavom datom u ponudi Prodavca protokolisanom kod Kupca pod brojem:0103-778-4/17 od 15.06.2017.godine.

Član 7.

Prodavac pruža garantni rok za robu navedenu u članu 1. ovog Ugovora u trajanju od 3 (tri) mjeseca od dana isporuke iste.

U slučaju reklamacije Kupca na kvalitet isporučene robe koja je predmet ovog Ugovora, Ugovorne strane će zapisnički konstatovati eventualne nedostatke, a Prodavac se obavezuje da će iste otkloniti odmah zamjenom robe čiji je kvalitet zadovoljavajući.

Član 8.

Kupac se obavezuje da Prodavcu za isporučenu robu iz člana 1. ovog Ugovora, na osnovu ispostavljenog računa/fakture plati novčanu naknadu u roku od 5 (pet) dana od dana ispostavljanja računa/fakture, u skladu sa jediničnom cijenom robe i ukupnom vrijednosti ponude koja je dostavljena u Ponudi Prodavca, uplatom na transakcijski račun Prodavca, broj:1542602003624517 otvoren kod Intesa SanPaolo banke.

Član 9.

Za realizaciju i praćenje realizacije ovog Ugovora u ime Kupca zadužuje se Služba za marketing i komercijalne poslove.

Član 10.

Prodavac u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Kupca, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 11.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

Član 12.

Sve eventualne sporove po ovom Ugovoru Ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 13.

Ovaj Ugovor stupa na snagu danom potpisivanja od strane obje ugovorne strane i traje do 31.12.2017. godine.

Član 14.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Kupac, a 2 (dva) primjerka Prodavac za svoje potrebe.

Za Prodavca
Direktor

Grubešić Dragan



Za Kupca
Direktor

mr.sci. Nermin Demirović, dipl.ing.šum.

Izvršni direktor Oblasti za šumarstvo

Proha Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.

Broj: 244/17

Datum: 28.8.2017. godine

Broj: 0103-778-11/17

Datum: 28.08.2017. godine